

DISPUTATIO IURIDICA  
*De*  
M V T V O.

*QUAM*

A. D. O. M.

Auctoritate & consensu Amplissimi  
Icutorum ordinis in illustri  
Iulia.

SUB PRAESIDIO

IOHANNIS Schwarzkopffs

Bocnemensis Saxonis.

*defendendam proponit*

HENRICVS NIEMAN

Verdenfis.

*Addiem 22. Septembr. horis 8  
loco consuetis.*



HELM AESTADI,  
Typis heredum IACOBI LVCI

---

ANNO clc cl cXXI.



ADMODUM REVERENDIS

 $V_T \quad E_T$ 

Reverendis, Clarissimis, Praestantissimisque viris, respec-  
tively fratribus,

DN. M. IOANNI POLEMANNO  
Decano ad D. Andreæ, & Cathedralis Ecclesiæ,  
quæ est Verde Concionatori primario.

DN. M. ANDREAE POLEMANNO  
ad D. Ioannis concionatori vigilantissimo.

DN. IACOBO POLEMANNO  
Canonico ad D. Andreæ,

DN. M. THEODORO POLEMANNO  
Canonico ad D. Pauli Halberstadi.

*Illis Dominis patronis ac promotoribus suis, omni obser-  
vantia & officiorum genere colendu; huiusmodi agnatis  
& fautoribus animatus beneprecandis.*

submisse inscribit.

Henricus Nieman Verden-  
frs, Ant. & Resp.

# THESIS I.



Assistente divini numinis gratiâ, ma-  
teriam de mutuo, vt vsu frequentem  
& quotidianam, ita cognitu necessa-  
riam & utilem tractaturi, operæ pre-  
tium esse arbitramur, si, priusquam  
rem ipsam aggrediamur, vocabuli significationem  
& definitionem ponamus: Vocis enim tractatio in  
principio semper est instituenda, *arg. l. 1. in pr. ff. de  
l. & l. Et illi, teste Philosopho*, qui genuinam voca-  
buli significationem non satis intelligunt, in re-  
bus iudicandis facillime falluntur. Præmitten-  
da igitur hic meritò vocis mutui, notatio; dictum  
videlicet esse mutuum, ex eo, quod de meo tuum  
fiat *S. appellata. 2. ff. de reb. cred. pr. Inst. quib. mod. re  
cont. obl.*

## II.

Et licet huic negotio ex eo potissimum no-  
men inditum, quod vicissim debitor creditori de-  
beat id quod accepit à creditore, ideoq; hæc natu-  
ralis vocabuli mutui sit significatio, *facit. l. 80. de  
solut.* vnde quoq; dicimus, mutuum amorem, mu-  
tuum officium, quod pro alio accepto refertur:  
cum tamen in hoc contractu mutuacionis initium  
faciat creditor, sit, vt ille quoq; mutuum dare re-  
ctè dicatur.

Sunt & præterea alia mutui nomina, utpote quando appellatur, pecuniæ datio, l. 3. §. 3. ad *Scim Maced.* xs alienum l. 1. pr. ff. *eod.* nomen l. 38. de reb. cred. Creditum, l. 4. hic l. omnem 20. ff. de *ludicijs*, & l. creditores, 10. cum l. seq. de *V. S.* unde in creditum dare & accipere, pro mutuum dare & accipere dicitur, l. 19. §. 1. h. l. 20. *eod.* vel credita pecunia. l. 10. 15. 16. 20. h. ex quo etiam debitores appellantur, qui mutuum acceperunt, l. si quis absentis §. is quoq. 3. de obl. & act. & creditores qui mutuo dederunt; atq; in creditum propriè ire dicatur, qui mutuum contrahit. l. 2. §. 1. h. *VVes. parat.* n. 2. *Olden. clas.* 4. act. 17. Extra hanc autem significationem, credendi vocabulum generale est, ita ut ad quamcunq; obligationem referatur. l. 2. §. 3. h. l. 11. & 12. de *V. S.* ibid. *Godd.* adeò ut & illi, quibus ex delicto, legato, fideicommissò aliquid debetur, recte creditores dicantur. l. 12. de *V. S.* *Goëd.* ad l. 11. 12. n. 9. de *V. S.* l. 178. §. fin. de *V. S.* *Aristoteles* quinto *Eth.* c. 2. licet aliter sentiant *Don.* & *Alciat.* ad l. 1. de reb. cred.

## IV.

Definitur autem mutuum quod sit contractus Iuris gentium, nominatus, quo res pondere, numero aut mensura constantes, in hoc damus, ut accipientium fiant, & quandoq; nobis non eadem res, sed aliæ eiusdem naturæ & qualitatis reddantur,  
pr, In-

V.

Species mutui quod attinet, propriè loquendo non nisi vnicum re vera est mutuum, quod sc. re interveniente celebratur, *Iason. ad l. 2. ff. de reb. cred.* illæ autem quæ vulgo à Dd. fiunt, à Iure civili alienæ esse videntur; vti quando aliud *naturale*, aliud *civile*, aliud *civile & naturale*, seu *mixtum* esse dicunt; Et *naturale* quidem illud, quod antea definivimus; *Civile* in quo natura non cooperatur, veluti si quis spe futuræ numerationis, stipulanti decem aureos ex mutuo promittat; *Mixtum* quando stipulanti, viginti mutuo me daturum promitto, illamq; stipulationem statim sequatur numeratio; sed posteriores hasce species, vti dictum antea, Iuri civili incognitas putamus, cum actio mutui ex illis non oriatur, sed cum mutuo stipulatio subijcitur, ex ea potius quam ex mutuo actio competit, l. 123. §. *Chrysgonus*, ff. de V. obl. *Heig. ad pr. l. b. n. 6.*

VI.

Mutuum porro dare possunt omnes ij qui non prohibentur: Quæ prohibitionis ratio ex eo deducitur, quod in mutuo transferatur dominium, voluntate & consensu eius qui transfert. Vnde sequitur, eum qui rem accipientis facere, aut consentire non potest, mutuo dare non posse.

Ob consensus quidem defectum, furiosus mutuo dare non potest. *l. 12. ff. hic l. 24. ff. de obl. & act.* mutuum enim, ut pote contractus fieri non potest nisi inter consentientes. *l. 32. ff. de reb. cred.*

## IIX.

Qui autem rem accipientis facere non possunt, impediuntur ex eo, vel quod domini non sint. *l. 2. §. 4. h. t. l. 56. §. 2. de fideiuss.* unde neque fur furtivos, neque alius quivis nummos alienos mutuo dare potest. *l. 13. pr. §. 1. 2. l. 16. l. 19. pr. h.* vel quod liberam alienandi facultatem non habeant, licet sint domini, uti est pupillus autoritate tutoris destitutus. *l. 19. §. 1. h. l. 3. §. 2. ad SCtum Maced.* Prodigus cui bonis interdictum est. *l. 9. §. 7. h. ad quorum tamen* classem puberem minorem XXV. annis referendum non putamus *cum Iafone ad l. 19. §. 1. n. 2. ff. de reb. cred.*

## IX.

Quamvis autem hisce casibus, ab initio mutuum non consistat, tamen ne is qui pecuniam hoc casu accepit, eum lucretur, nulla obligatione, ex qua actio dari possit, existente, utilitatis causa receptum est ut consumptis ijs nascatur conditio. *l. 13. pr. §. 1. 2. l. 19. de reb. cred.*

## X.

Interdum tamen etiam illi, qui domini non sunt, tamen recte mutuo dando rem accipientis faci-

faciunt, veluti I. Si Domini consensu alius pecuniam mutuam det. *l. 26. l. 41. de reb. cred. vt servus voluntate domini. l. 35 de solut.* procurator omnium bonorum *l. 26. b. II.* Tutor & curator eorum nomine quorum tutelam aut curam gerit. *l. 26. b. l. 26. de admin. & peric. tut.* III. Imo alterius nomine potest quis suos nummos mutuo dare, vt actio acquiratur ei, cuius nomine darum est. *l. 2. §. 4. l. 9. §. 8. b. t.* IV. Administrator civitatis quoq; pecuniam Civitatis mutuam dare potest. *l. 11. ff. de vsur.*

XI.

Eodem modo cum mutuum accipere sit de genere permissorum, sequitur, omnes illos, qui prohibiti non reperiuntur, eos non repelli, sicuti est vxor *l. 15. C. de vsur.* Civitas, *l. 27. b. Ecclesia. Nov. 120. c. 6. §. ult. c. 10. quæst. 2. c. ea enim.* Pupillus autem absq; tutoris autoritate, *l. 19. §. 1. b. t.* vti & furiosus, prodigus, adolescens item luxuriosus *l. 32. b. inñta l. 5. l. 4. de R. l. l. 12. §. 11. mand.* mutuum omnino sumere non possunt.

XII.

Filius-fam. quoq; omnino prohibetur accipere, adeoq; si acceperit, perpetuâ exceptione SCri Macedoniani tutus est, nisi certis in casibus, veluti, si eam in rem quæ patris oneribus incumbit, accipiat, veluti sumtus studiorum gratia, &c. *Id. Vult. 1. I. Ridentie c. 31.* Quo etiam pertinet mulier,



lier, quæ neq; propter SCtum Velleianum pro alio quid sumere mutuo potest *l. 2. §. 1. ff. ad SCtum Velleian.* Quarum exceptionum beneficijs an renunciari possit, dubia inter Dd. movetur lis: de posteriori quidem affirmamus, *l. ult. §. pen. ibid. Gothof. ad SCtum Velleia. Zas. lib. 2. Dinus respon. c. 18.* De priori autem omninò negamus, cum *Myns. ad §. pen. VVesenb. in supplem. com. Schneid. ad d. t. §. pen. num. 9.*

XIII.

Consideratis ita personis, consequens est, & de rebus, quæ in mutuum veniunt aliquid subijcere. Veniunt igitur saltem illæ res, quæ in quantitate consistunt & in genere suo functionem recipiunt. Quam quidem quantitatem consideramus duntaxat in rebus mobilibus, & in illis tamen tantum, quarum usus aliter esse non potest, nisi usu simul absumentur.

XIV.

At cum eadem res non quidem in specie sed in genere restituenda sit creditori, ideo ne plus vel minus reddatur quam acceptum est, ad æqualitatem illud revocatur, vel per numerum, ut in pecunia, *l. 41. §. fin. de usur.* vel mensuram, ut in vino, oleo & liquoribus *pr. l. h. t.* vel pondus, ut in auro, argento, plumbo, ferro, cera, stanno, *d. pr. l. h. t.* quo etiam cibos, panes, pisces, carnes referendos putamus, cum *Cuiac. u. obs. 37. Bocer. clas. 2. disp. 7. th. 22.*



## XV.

Fundi tamen, ædes, libri, vestes, equi, & ejus modi res aliæ, cum functionem in suo genere non recipiant, mutuo non dantur; licet dicas numerari illas res posse, vel alio etiam casu apponi vel ad-mensurari. *Duar. ad tit. C. si cert. pet.*

## XVI.

Ratio autem formalis inutui in eo consistit, vt videlicet rei mutuo datæ dominium transferatur in accipientem. *l. 2. §. 2. b.* cum enim propter vsum hominis contrahatur mutuum, ea autem illarum rerum, quæ mutuo dantur, sit natura, vt ijs vti nemo possit nisi simul abutatur, easq; consumat, fit, vt nisi dominium transferatur in accipientem, vel omnino inutilis sit contractus, vel ipsa absumptione dominium confirmetur.

## XVII.

Modus dandi & accipiendi mutuum in eo consistit, vt vterq; contrahentium, & in causam obligationis, & in vnam eandemq; obligationem consentiat. Et de causâ obligationis quidem res plana est: qui enim exsolvendi causa dat non obligandi alterius, mutuum non contrahit. *l. 19. l. 20. ff. b. t.* Sic si ego quasi donaturus dem, tu quasi mutuum accipias, vel contra, neq; mutuum erit neq; donatio. *l. 18. pr. de reb. cred.* Sic etiam consensus in vnam eandemq; obligationem requiritur. *l. 18. l. 19. b.*

sicgo quasi deponens pecuniam dederò, tu quasi mutuam accipias, nec depositum erit nec mutuum  
*l. 18. §. 1. b.*

XIIX.

Cum autem hunc contractum supra realibus annumeraverimus, aperte liquet inde, obligationem ex mutuo nullam nasci, nisi res illa vel appendendo vel admetiendo vel adnumerando tradatur. *l. 2. §. 1. b.* atq; ita fiat accipientis *d. l. 2. h. pr. l. h. t.* quamvis hæc traditio interdum possit tempore antecedere, vt e.g. si decem apud te deposuerim, post tempus autem aliquod permittā, vt ijs utaris, mutuum esse incipit à tempore permissionis. *l. 9. §. 9. b.*

XIX.

Sic mutua etiam pecunia esse creditur, si alicui rem quandam vendendam tradiderim, cum in finem, vt is, cui res vendenda tradita erat, pretio venderetur, *l. 11. ff. de reb. cred.* Non tamen semper & indistincte. *l. 10. pr. de præscript. verbis l. 8. C. de reb. cred. l. 4. pr. b.* Vnde tamen non sequitur, nudo interdum consensu mutuum contrahi posse, vt apertè ex *d. l. 11. constat.*

XX.

Mutuum hoc ita contractum sui natura est gratuitum, adeo vt usuræ ex eo non debeantur, nisi ex novâ quadam obligatione, veluti stipulatione in continenti adiectâ. *l. 121. de V. S. l. 40. b. t.* si enim non incontinenti, sed ex intervallo adiiciatur, ad  
usu-

vsuras exigendas nihil prodest, *l. 7. §. quin imo 5 ff. de pactis l. 10. C. eod. l. 3. C. de vsuris.* Pactum autem ad vsuratum creditæ pecuniæ exactionem non sufficit. *l. 3. 4 de vsuris,* nisi pecunia debeatur ex bonæ fidei contractu, & pacto postea fiat mutua. *l. 34. pr. ff. mandati.*

XXI.

Mutui principijs hoc modo præsuppositis, de ipsa actione, conditione nimirum ex mutuo brevibus videbimus. Et datur quidem ei, qui mutuum dare pecuniam potest, siue hoc suo siue alterius nomine faciat. *l. 120. §. 2. de V. Obl.* qui vero id non possunt, actione etiam hac omnino uti possunt, uti nec potest is, à quo creditor pecuniam alteri mutuo datam accepit. *l. 7. C. sicert. pet.*

XXII.

Et datur quidem non ad restituendam rem in specie eandem, quæ tradita est, (nisi forte ex accidenti contingat, ut res illæ ipsæ solvantur veluti si eosdem nummos, quos mutuo quis acceperat, cum postea ijs non indigeret, creditori reddat) sed eandem genere. *pr. l. b. eademq; qualitate & quantitate. l. 11. §. 1. b. l. 17. pr. de pactis,* quod si etiam convenerit, ut minus aut deterius quid solvatur, quam datum sit, cum tale pactum obligationi detrahat, & leviores causas debitoris faciat, ipso iure non plus debetur quam placuit, *l. 11. §. 1. b. t.*

## XXIII.

Si tamen convenerit, ut plus debeatur aut melius, id quod superat quantitatem aut qualitatem rei creditæ, exigi non potest, *l. 11. §. 1. b. idq; cò, ne ex pacto actio quædam nascatur, l. 7. §. 5. 6. l. 17. pr. de pact.* quod si autem illud quod superat quantitatem rei creditæ, stipulatus sit creditor à debitore, hac quidem ex stipulatu actione, non autem conditione ex mutuo petere potest, *arg. l. 11. de religio.*

## XXIV.

Totum etiam omnino semper hac actione persequitur creditor, adeo ut particularem solutionem admittere non cogatur. *l. 41. §. 1. de usur. facit l. 3. ff. famil. ercisc. Vide Borcholt. de reb. cred. cap. 7. n. 24.*

## XXV.

Nummis autem creditis quid petendum sit, anxie inter Dd. quæritur: Et quidem ante omnia videndum de tenore ipsarum literarum obligationis, ex quibus mens contrahentium elucet, *Laudens, de monet. n. 13.* contractus enim ex conventionem legem accipiunt, *l. 1. §. convenerit. ff. de positi. Tiraquell. de retract. lignas. §. 30. gl. 1. n. 2.* quo deficiente, ad ipsius contractus naturam erit respiciendum.

## XXVI.

Quod si cum igitur certi generis nummi sunt mutuo dati, veluti ioachimici 100. cum idem genere sit reddendum in mutuo, facile patet, solutio-

tionem hoc casu in alterius generis nummis fieri  
non posse. *l. 3. ff. h. t. cum diversæ formæ nummi non  
sint ijdem genere Myns. cent. 1. obs. 65. & cent. 5. obs.  
83. n. 2. Vid. Würtzordnung Imp. Ferdinandi de  
Anno 1559. §. die jetzt gemelte.*

XXVII.

Si vero non certi generis nummi, sed certa sal-  
tem pecuniæ summa est credita, in certis tamen  
speciebus, ut puta centum thaleri in 20. Ioachi-  
micis, cum & hoc casu putandum non sit, ea verba  
frustra à contrahentibus adjecta esse, eodem in ge-  
nere debitum erit exsolvendum, *vil. 3. h. t.*

XXIX.

Certa autem summa simpliciter creditâ absq;  
nummorum certorum vnius generis adjectione, æ-  
stimatio saltem videtur credita, non etiam nummi  
numerati, ideoq; liberum erit creditori, quod-  
cunq; genus nummorum solvere, *l. 65. de V. O. l. 99.  
de solution.*

XXIX.

Valore autem nummorum aucto vel diminu-  
to, ad quem illud lucrum vel damnum spectet, ma-  
ximæ est disputationis? Nobis illa videtur via tu-  
tissima, ut si certi generis nummi sint crediti, ex vi  
atq; natura contractus mutui, in eodem genere sit  
facienda solutio, & consequenter commodum sit  
creditoris, ad quem etiam damnum eo casu per-  
venisset. *Gail. 2. obs. 73. n. 9.*

## XXX.

Summâ autem simpliciter creditâ, forte 100. aureorum, solutio in quocunq; genere nummorum in solutionibus recepto fieri poterit. Quo tamen casu æquius erit habere proportionem quandam inter nummum tanquam æstimatorem, & res æstimatas; nomen quidem centum florenorum, idem est cum eo quod fuit olim, res tamen valde diversa, cum enim 100. florenis ne quarta quidem pars hodie emi possit earum rerum, quarum olim totum, hodie multo minus habere eum cui sunt centum floreni, quam olim; ipsa quotidiana experientia omnium magistra, suffragatur, sed de hac quæstione vid. *Gail. d. obs. 73 n. 3. & seqq. Myns. cent. 4. obs. 1.*

## XXXI.

Nos huic disputationi finem cum eo imponimus: posse quidem vsuras, ex stipulatione in hoc contractu debitas, simul peti cum sorte, non vnâ tamen actione, sed junctis & cumulatis duabus, hâc videlicet ex mutuo, & eâ, quæ ex stipulatione datur. *l. 40. ff. de reb. cred. l. 4. pr. ff. quod certo loco.*



Ad præstantissimum inuenem

DN. HENRICVM NIEMANNVM  
de Mutuo disputantem, amicum ac po-  
pularẽ suum longè charissimum.

**R**Es in confesso est: quod vult vrtica manere  
Vrit maturè. Nec enim, cui sola palati  
Et ventris cura est, catulus frugi fore cuiquam  
Censetur, plures vbi Luna reduxerit orbes.

Egregio verum qui cretus stirpe magistri  
Verba lubens sequitur, dum sedulus acriter instat  
Insis seu feras agitando in diuitis aula  
Siue ciendo iocum, quemcumq; velis tibi fiet:  
Commoda multa canis feret omnem natus in vsum.  
Sic quicumq; bono (liceat componere parvis  
Magna) parente satus patrium haud renuente Minerva.  
Excolit ingenium, fidis monitoribus æquis,  
Dum mens flore viret primo, assiduoq; labore  
Invigilat Musis, quid non patriaq; suisq;  
Promittit magnam venturus in ora virorum?  
Scilicet Nonio de sanguine nobile germen,  
Ipse vides, quam vera loquar, præcepta secutus  
Ex quo Polmanni, quo vix præstantior alter,  
Ardenti versas veterum monumenta sophorum  
Docta manu parcus somni parcusq; Lyæi,

Nit



Nil intentatum linquis, dum civica iura  
Respondere queas quondam: nam dogmata summo,  
Magnus Aristoteles quæ tradidit, Ethica nisi  
Aggrederis munisq. animum, quæ profore credis,  
Pulveris & solis patiens versando per omnes  
Artes ingenium, dum res permittit & ætas.  
Deinde bipartiti sacrata volumina iuris  
Sudore evolvis multo indefessus & omne  
Tempus in hæc studiamq. locas, suspensa movere  
Ne te larva queat, doctumq. exempla secutus  
Materiem magno conamine viribus equam  
Conscribis gnarus curvo dignoscere rectum,  
Ut quondam verè legum iurisq. peritus  
Dicaris, Themis ipsa novo quem claret honore.  
Quod precor & multi mecum tibi, candida dudum  
Cui virtus istos stabili devinxit amore.

Hermannus Schacht Verd.

F I N I S.



et dicit iura  
nam dogmata summa,  
dixit, Ethica nunc  
qua profere creda,  
lando per omnes  
mittit et atq.  
numina varia  
Tui & omne  
as, suspensa modere  
exempla secutus  
viribus aequam  
nosscere rectum,  
peritus  
eum claret bonore  
tibi, candida dudum  
cit amore.

ermannus Schacht Ver.

I S.



Nil intentatum linguis, dum civica iura  
Respondere queas quondam: nam dogmata summo,  
Magnus Aristoteles quæ tradidit, Ethica nisi  
Aggrederis munisq; animum, quæ profore credis,  
Pulveris & solis patiens versando per omnes  
Artes ingenium, dum res permittit & ætas.  
Deinde bipartiti sacrata volumina iuris  
Sudore evolvit multo indefessus & omne  
Tempus in hæc studiumq; locas, suspensa movere  
Ne te larva queat, doctumq; exempla secutus  
Materiem magno conamine viribus æquam  
Conscribis gnarus curvo discernere rectum,  
Ut quondam verè legum iurisq; peritus  
Dicaris, Themis ipsa novo quem claret honore.  
Quod precor & multi mecum tibi, candida dudum  
Cui virtus istos stabili de viuxit amore.

Hermannus Schacht Verd.

F I N I S.



CTEGA  
HOMIA  
CRO ENNA